

جَزَائِرِ مَحَاكِمَ

جمعه ایرتپی

نومرو ۱۰۷۹ ذی الحجه ۲۸ سنه ۱۳۱۷ ینسان ۱۵ سنه ۱۳۱۶ صحیفه ۱۵۵۸۱

(اشبو غزته بهر هفته جمعه ایرتپی کوندری یبقار . من لکی در سعادت ایچونه مجیدیه یلکرمی غروسه)
 (مسایله التمه غروشدر . طشه لر ایچونه اوده بسه غروسه یوسنه اهرتی ضم اولنور . بهر)
 (نسنه سی یه مجیدیه یلکرمی غروسه اولوه اوزره یوزیاره هریده صایلور . درج اولنه جوه اعلامانک)
 (هریبندره بر مجیدیه اخذ اولنور . من لکه مشتری اولوه استیاندل عدلیه نظارتی دانه مندره لائمه جبریده)
 (محاکم اداره منه مراجعت ایلملیدر .)

قسمت غیر رسمی

دکترلی سنجاغی بدایت محکمه سی جزا دائره سنک اوچوز اون بش سنه سیچون تنظیم اولنان استاتستیک خلاصه پومله سیدر				
ملاحظات	استنباط	تفاوت	نسبت	مجموعه
اوچوز اون درت سنه سندن مدور مواد	۱۲۶	۵۴	۵۰	۲۳۹
اوچوز اون بش سنه سی ظرفنده ورود ایدن مواد	۳۰۸	۴۷۳	۲۵۵	۱۰۳۶
یکون	۴۳۴	۵۲۷	۳۰۵	۱۲۶۶
اوچوز اون بش سنه سی ظرفنده رؤیت اولنان مواد واعلامه ربط اولمشدر	۱۳۶	۴۲۹	۲۰۶	۷۷۱
اوچوز اون التی سنه سنه دور اولنان مواد	۲۹۸	۹۸	۹۹	۴۹۵

اون وعودت ایچون اون که جمعاً یکرمی لیرادن عبارت اولدینی بالتحقیق اکلاشلدیغنه بناءً ذکر اولنان بیک درتیوز یتیش التي لیرا یتیش اوج غروشک مع فائض بالغ اولدینی بیک سکز یوز سکز لیرا یکرمی اوج غروش ایله یکرمی لیرا عزیمت وعودت مصارفک مع مصارف محاکمه شرکت منفسحه اموالندن ویاخود افراد شرکتک هر برندن یکدیگره کفیل بالمال اولقی اوزره تحصیلنه حکمدن و مستدعی تمیز سرسق اخوان شرکتک اشبو حکم علیهنده لایحه سنده محرر اعتراضتک باشلوچه سی وکیللرک وکالتنامه سنده اقرار استثنا ایدلیدیکی حالدله انلرک وقوعبولان اقرارینه بنای حکم ایدلسی و تضمینات خصوصتک مجرای قانونی خارجنده تدقیقاتنه کیریشیلرک منازع فیه غاز اخذواعطاسنک عهده لرینه تحمیلی جهته کیدلسی مغایر قانون اولدیغندن بحثله اعلامک نقضی ولایحه جوابیه مؤداسی دخی اعتراضات مسروده نک غیر وارد اولدینی بیانیله ردی و اعلام مذکورک تصدیقی استدعاسندن عبارتدر

ایجابی مذاکره اولندقدده اعلام مذکور مندرجاتندن و محکمه استینافیهدن جلب و تدقیق ایدیلان وکالتنامه لر مفادندن اکلاشلدینی اوزره سرسق اخوان شرکتی وکیللری رسام وزه رایان کیرقور افندیلرک مؤکللری علیهنده اقراره مأذون اولمقدلری صراحةً ذکر و بیان ایدلش اولمسنه کوره وکیلان مومی الیهمانک بیک درتیوز کسوز لیرا حقنده وقوعبولان اقرارلری غیر معتبر اولوب محکمه استینافیجه بوجهت نظر دقه التماس اولدینی کبی تضمینات خصوصنه کلنجه اموال معلومه نک فروختی تاریخنه قدر وقوعبولان مصارف و سایر نک برر برر تحقیقه کیمه عائد اوله جفتک تقرندن ضرر و زیان مقدارینک دخی تقدیرندن صکره استینافاً ویریلوب استدعا دائره سنجه تصدیق ایدیلان قرار موجبجه ضرر و زیان نامیه قومیسوینچی به عائد اولسی لازم کلان مقدارک تحت حکمه النسی مقتضی ایکن بوجهتک دخی دریش ایدلامسی قانونه مغایر و مستدعیلرک بوبابده کی اعتراضلری وارد و موافق نفس الامر اولدیغنه بناءً اصول محاکمه حقوقیه قانوننک ایکوز اوتوز ایکنجی ماده سی موجبجه اعلام مذکورک نقضه و قانون مذکورک ایکوز قرق دردنچی ماده سی حکمنه توفیقاً کیفیتک اعلامه ربطی ضمننده قسم مذکوره اعاده سنه وزیرده مفرداتی مرقم اوجیوز طقسان سکز اوج بیج غروش مصارف تمیزینه نک

ایلروده حقسنر چقه جق طرفه رجوع ایتک اوزره اول امرده مستدعی تمیز سرسق اخوان شرکتندن النسنه ۲۱ اغستوس سنه ۳۱۳ تاریخنده اکثریت آرا ایله قرار ویرلدی .

قیصریه ده مقیم قنبرزاده محمدنوری افندی ایله قیصریه ده ساکن متوفی کسن زاده بکر اغا ورثه سندن کریمه سی فاطمه خانم و برادر زاده لری عابد و محمود و عباد اغا لرینلرنده متکون دعوایه دائر قیصریه بدایت محکمه سندن ۲۴ حزیران سنه ۳۱۵ تاریخچی و بر عددی ایله ویریلان اعلام مومی الیه محمدنوری افندی طرفندن تمیز ایدلمکله اعلام مذکور طرفینک اعتراض و جواب لایحه لرله بالمطالعه تدقیقات تمیزیه اجرا سنه ابتدار قلندی

اعلام مذکورک خلاصه مالی مومی الیه محمدنوری افندی نک بر قطعه سند موجبجه متوفی کسن زاده بکر اغا ذمتنده الهجفی اولان بشییک غروشک ورثه مرقومه دن تحصیلنی طلب و دعوی ایتسنه قارشو ورثه مرقومه دخی مذکور سند

مورثلری متوفانک اولدینی اقرار ایدوب ایجی مورثلریله دیننده شریک اولان عثمان افندی متصرف اولدینی حمام و بانچه سنک اوج سنه نک ایجارینی مدعی مومی الیه حواله ایدرک مورثلرینک ذمتنی ابرا یتیش اولدینی بیان ایله بر قطعه سند ابراز و ارانه ایتلری اوزرینه مدعی مومی الیه مذکور حمام معطل قاله رق ایجارینک تحصیل اولنه مامسندن ناشی مذکور سندک حکمسز قالدینی ادا ایتیش ایسه ده جریان ایدن محاکمه و تدقیقات نتیجه سنده مدعی مومی الیه ک محاکمه واقعه سی قول مجردنده قالدینی کبی معامله مشروحه حواله شکلی اکتساب ایتسیله مجله نک التیوز طقسان ایکنجی و بیک التیوز طقوزنجی ماده لری موجبجه مدعی مومی الیه ک محال علیه اولان مستأجرلره مراجعت ایتدیکنندن محیل اولان مدعی علیه لر رجوع وانلردن طلب و دعوایه حق اولدیغندن رد دعواسنه حکمدن و مستدعی مومی الیه ک اشبو حکم علیهنده لایحه سنده محرر اعتراضتک باشلوچه سی معامله واقعه نک شکلاً و حکماً حواله یه مشابهتی یوغیکن حواله اولدیغنه ذهباً رد دعواسنه قرار ویرلسی مغایر قانون اولدیغندن بحثله اعلامک نقضی ولایحه جوابیه مؤداسی دخی اعتراض مذکور

غیر وارد اولائی یعنی بیانیله ردی و اصول و قانونه موافق اولان اعلام مذکورک تصدیق استدعاسندن عبارتدر

ایجابی مذاکره اولندقدہ اعلام مذکور مندرجاتندن منقہم اولدینی اوزره محکمہجه مومی الیه محمدنوری افندینک ادعا ایلدیکی مبالغه مقابل دینده شریک اولان عثمان افندینک حمام و باغچهسی بدل ایجارندن تسویه دین ایده جکنه دائر سند ویرمش اولسی حواله عد ایدیلهرک مجله نك کتاب الحواله سنه تطبیقاً مدعینک مستأجرلره مراجعتنه قرار ویرلش ایسه ده مأل سند نظرآ مقاوله اولان صورت مجله جلیله حکمجه حواله قیلندن اولندیغه بناء مقاوله مذکوره حواله عد ایدیلهرک اوپولده حکم ویرلسی قانونه مغایر و مستدعینک اعتراضی وارد و موافق نفس الامر اولدیغه بناء اصول محاکمه حقوقیه قانوننک ایکوز اتوز ایکنجی مادهسی موجبجه اعلام مذکورک تقضنه و ایکوز قرق دردنجی مادهسی حکمنه توفیقاً کیفیتک بالرؤیه اعلامه ربطی ضمننده محکمه مذکوره به اعاده سنه وزیرده مفرداتی مرقم بشیوز اتوز ایکی بحق غروش مصارف تمیزیه نك ایلروده حقسنر چیه جق طرفه رجوع ایتمک اوزره اول امرده

مستدعی مومی الیهن النمسنه ۲۰ کانون ثانی سنه ۳۱۵ تاریخنده متفقاً قرار ویرلدی .

درسعادته کوچک مصطفى پاشا جوارنده یکی محله ده مقیم تجارندن منلازاده محمد صالح افندی ایله بک اوغلنده اغا حامنده اون برنومرولی خانه ده ساکن بانکر کیرقور قره کوزیان افندی بیتنده متکون دعوايه دائر محکمه استیناف تجارت قسندن ۳ اغستوس سنه ۳۱۵ تاریخى واللی درت عددی ایله ویریلان اعلام مومی الیه صالح افندی طرفندن تمیز ایدلمکله اعلام مذکور طرفینک اعتراض و جواب لایحه لریله بالمطالعہ تدقیقات تمیزیه اجراسنه ابتدار اولندی

اعلام مذکورک خلاصه مالى مومی الیه صالح افندینک قره کوزیان کیرقور افندی به مأمور مخصوص حضورنده صاتمش اولدینی التیوز طونیلاتولق ایوان نام سفینه نك درت حصه اعتباریله بر حصه سنک بدلی اولان یوزاللی لیرانک افندی مومی الیهن تحصیلنه دائر تجارت بحریه

محکمہ سندن عن الغیاب صادر اولان اعلام علیهنده مومی الیه کیرقور افندی طرفندن اعتراض اولنهرق مذکور حصه بدلتک تسویه اولدینی و بناء علیه مومی الیه صالح افندی به برکونا بورجی اولدینی بیان اولنمسنه قارشو مومی الیه صالح افندی دخی حصه مذکور نك بدلی التمسینرین تقریری اجرا قلندیغندن بحثله اقرارنده کاذب ایدوکئی افاده و قره کوزیان افندی دخی صالح افندی به سفینه بدلدن بورجی اولدینی ایوان ایتملری اوزرینه سفینه بدلدن صالح افندی به یوز اللی ایرا بورجی اولدیغه دائر مومی الیه کیرقور افندینک تحلیفی لزومنه دائر ویریلان قراری قره کوزیان افندی استیناف ایده جکندن بحثله تکلیف اولتان یمینی قبول و اجراسندن نکول ایتمسی جهتیله اعلام غیابی مذکورک تصدیقه دائر ویریلان اعلامی قره کوزیان افندی استیناف ایتمسی واسباب قانونیه به منی اعلام مستأنف بهک فسخ اولنمسى اوزرینه جریان ایدن محاکمه و تدقیقات استینافیه نتیجه سندن مومی الیه صالح افندینک ادعاسی مذکور سفینه نك ربع حصه سی بدلدن طولایی مومی الیه قره کوزیان افندی ذمتنده الهجفی اولان یوز اللی لیرانک تحصیلندن عبارت اولوب بدایه قره کوزیان افندینک بوجهی انکار

ایتمسنه مقارن مومی الیه صالح افندی اثبات مدعادن عاجز اولدینی بیان ایلش و یمینک دعوايه موافق اولسی لابد بولنمش اولدیغندن مومی الیه قره کوزیان افندینک سفینه بدلی اولهرق صالح افندی به بورجی اولدیغه دائر قره کوزیان افندینک اجرای تحلیفی لزومنه دائر ویریلان قرار اوزرینه مستأنف قره کوزیان افندی بودارنده یمینه حاضر اولدینی تذکار و صالح افندی دخی ترتیب یمین کندوسنه عائد اولغله محکمہ نك قراری وجهله یمین تکلیف ایتمه جکی واشبو افاده سی قبول اولنمدینی حالده حق تحلیفی بعد التیمز استعمال ایده جکنی بیان ایتمسی جهتیله شو حالده مومی الیه صالح افندینک دعواسنی قبوله سبب قانونی و شرعی مفقود اولدیغندن مستأنف علیه صالح افندینک مستأنفه قارشو معارضه دن منعه حکمدن و مستدعی تمیز صالح افندینک اشبو حکم علیهنده محرر اعتراضاتک باشلوچه سی مذکور سفینه بدلی اخذ ایلدیکنه دائر واقع اولان اقرارنده کاذب اولدینی بیان ایتمش اولسی جهتیله محکمه استینافیه جه مقرله کیرقور افندینک بودارنده تحلیفی لازم کلورکن بودارۀ قانونیه خارجنده یمین تکلیفنه قرار ویرلسی مغایر قانون اولدیغندن بحثله اعلامک

مستدعی صالح اقدیدن اخذینه ۱۵ تشرین ثانی
سنه ۳۱۵ تاریخنده اکثریتله قرار ویرلدی .

بروسه ولایتی داخلنده کونان قضاسنه تابع
باشا چفتلکی قریه سنک قوم غیر محصور اهالیسی
ایله ینه بروسه نك اردك قصبه سنده مقیم امین بك
پینده محدث دعوايه دائر خداوندكار استیناف
محكمه سندن ۱۶ ایلول سنه ۳۱۴ تاریخى ویکرمی
اوج عددیله ویریلان اعلام قریه مرقومه اهالیسی
طرفلرندن تمیز ایدلسکله باش مدعی عمومیک
مأموریت علیه سنک مطالعه نامه سی الوندقن صکره
اعلام مذکور طرفینک اعتراض وجواب لایحه لرله
بالمطالعه تدقیقات تمیزیه اجراسنه ابتدار قلندی

اعلام مذکورک خلاصه مآلی مومی الیه
امین بك بیغا قضاسنک دیمتوقه ناحیه سنه تابع
حاجی علی بك قریه سی حدودی داخلنده واقع
قره افاج واحمد تبه نام محللرده کائن باطابو
متصرف اولدیی معلوم الحدود ایکی قطعه
ترلاسنه قریه مذکوره اهالیسی طرفلرندن فضولی

نقضی استدعاسندن ولایحه جوابیه مؤداسی دخی
اعتراض مذکور غیر وارد اولدیغندن ردیله
اصول وقانونه موافق اولان اعلام مذکورک
تصدیق طلبندن عبارت بولمیشدر

ایجابی مذاکره اولندقدن اعلام مذکور
مآلندن منقهم اولدیغی اوزره مدعی صالح اقدی
بدل سفینه یی آلدیغی مأموری حضورنده اقرار
ایتمش ایسده بدل مذکورى المدیغی واشبو
اقرارنده کاذب اولدیغی سویلکده اولسنه نظراً
کیر قور اقدینک مدعینک بدل مذکورى الدیغه
دائر واقع اولان اقرارنده کاذب اولدیغنه دائر اجرای
تحلیفه قرار ویرلک لازم کلورکن بورجی اولدیغنه
یمین ایتمسه قرار ویرلسی قانونه مغایر و مستدعینک
اعتراضی بوجهته متدائر اوله رق موافق نفس الامر
بولمش اولدیغنه بناءً اصول محاکمه حقوقیه
قانوننک ایکوز اوتوز ایکنجی ماده سی موجبجه
اعلام مذکورک نقضنه وقانون مذکورک ایکوز
قرق بشنجی ماده سی حکمنه توفیقاً کیفیتک بالرؤیه
اعلامه ربطی ضمنتده قسم مذکوره اعاده سنه
وزیرده مفرداتی مرقم اوچیوز طقسان سکز
بیحق غروش مصارف تمیزیه نك ایلروده حقسنر
چیقه جق طرفه عائد اولق اوزره اول امرده

مداخله ایدلسکده اولدیغندن بمثلله واقع اولان
مداخله لرینک منعی کونان بدایت محكمه سنده
طلب ودعوی ومذکور اراضی به تصرفی ناطق
ایکی قطعه سند خاقانی ابراز واعطا ایتمکله
بردرجه به قدر محاکمه وجاهیه جریاندن صکره
اکمال محاکمه ایچون اخیراً تعیین اولنان کونده
اهالی مرقومه نك دعوتیه اجابت ایتملری اوزرینه
حقوقلرینک محافظه سی ضمنتده وکیل مسخر
تعیینیه عن الغیاب جریان ایدن محاکمه وتدقیقات
تیجه سنده مدعی مومی الیه امین بك منازع فیه
اراضی یی باندنرمه لی ملکى بکدن اشترا وتفرغ
ایلدیکی مبرز دفتر خاقانی سنداتی مندرجاتیه
تحقق ایتمش اولدیغندن مجله نك بیک سکز یوز
اون سکزنجی ماده سی حکمنه توفیقاً مذکور
ایکی قطعه ترلايه مدعی علیهم قریه مذکوره
اهالیسنک فضولی واقع اولان مداخله لرینک منعیه
دائر بدایه صادر اولان اعلامک عند الاستیناف
تصدیقته حکمدن ومستدعی تمیز اهالی مرقوم
وکیلنک اشبو حکم علیهنده لایحه سنده محرر
اعتراضاتنک باشلوجه سی منازع فیه اراضی یی
کندولری خصملرینک حضورنده یکرمی سنه یی
متجاوز مدتدبرو تصرف وزراعت ایتمکده
اولدقلى جهته حق قرارلری ثابت ودعواده

بیانندن عبارتدر
ایجابی مذاکره اولندقدن اعلام مذکور
مطالعه سندن اکلاشلدیغی اوزره مستدعی تمیزلرک
منازع فیه ترلالره اون بش سنه دن متجاوز مدتدن
برو بلا نزاع تصرف وزراعت ایتمکده اولدقلى یی
ودعواى واقعه ده مرور زمان بولدیغنی استیناف
محكمه سنه اعطا ایلمش اولدقلى لایحه لرنده
درمیان ایتمش اولدقلى رینه نظراً استیناف محكمه سنجه

بوادعالی نظر اعتنایه الهرق تدقیقات لازمه
اجراسیله تبیین ایده جک حاله کوره برقرار
ویرلک لازم کلور ایکن محکمه مذکورجه بوبابده
تدقیقات اجرا اولمقسنزین کیفیتک تحت حکمه
النمسی یولسز و مخالف قانون اولدیغندن اصول
محاکمه حقوقیه قانونک ایکوز اوتوز ایکنجی
ماده سی موجبجه اعلام مذکورک نقضیله قانون
مذکورک ایکوز قرق دردیجی ماده سی حکمنه
توفیقاً کیفیتک بالرؤیه اعلامه ربطی ضمننده محکمه
مذکوریه اعاده سنه وزیرده مفرداتی مرقم
اوجیوز طقسان اوج بحق غروش مصارف
تمیزیه نک ایلروده حقسنز چقه جق طرفه عائد
اولق اوزره اول امرده مستدعی تمیز اهالی
قریه دن النسنه ۲۸ اغستوس سنه ۳۱۵ تاریخنده
متفقاً قرار ویرلدی .

قواله قصبه سنک حاجی احمد محله سنده مقیم
اسماعیل خواجه ایله قصبه مذکورک ابراهیم
پاشا محله سنده ساکن قایقچی علی رئیس بیننده
متحدث دعوایه دائر قواله تجارت محکمه سنندن

ویریلان ۲۱ تموز سنه ۳۱۵ تاریخی و اوتوز اوج
عددی اعلام مزبور اسماعیل خواجه طرفندن
تمیز ایده لکله اعلام مذکور طرفینک اعتراض
وجواب لایحه لرله بالمطالعه تدقیقات تمیزیه اجرا سنه
ابتدار قلندی
اعلام مذکورک خلاصه مالی مرقوم
علی رئیس کندوسنک متصرف اولدینی الامانه
تعییر اولور درت طونیلاتولق قایقی اوزرینه
۲۰ مارت سنه ۳۱۴ تاریخنده مزبور اسماعیل
خواجه کندو قایقنی قصداً بندیره رک غرقه
سببیت ویرمش اولدیغندن بحثله التمش لیرا قایق
بدلیله محمول اموال تجاریه و ضرر و زیانک
بالتقدیر ۳۰ نisan سنه ۳۱۴ تاریخنده کشیده
ایلدیکی پروتستو موجبجه تحت حکمه النمسى طلب
ودعوى ایتمسنه قارشو مدعى علیه اسماعیل
خواجه دخی بوبابده کندوسنک قصدی اولیوب
کیفیت مصادمه مرقوم علی رئیسک عدم دقتندن
تولد ابتدیکنی مدافعه بیان و انبا ایتمسی اوزرینه
اولبابده اجرا قلنان محاکمه و تدقیقات نتیجه سنده
مذکور قایقلرک یکدیگرینه زمان تقریرلنده مرقوم
اسماعیل خواجه قایقنک پوجه لسی قواعد بحریه
ایجابندن ایکن مرقومک بویولده حرکت ایتماسی

مصادمه نک قصداً وقوعه سبب اولمش اولدینی
اهل وقوف طرفندن معطی راپور مندرجاتیله
تحقق ایتمسنه بناءً محکمه جه حد اعتدالده کوریلان
اوتوز لیرا قایق بدلیله اوج لیرا ضرر و زیانک
مرقوم اسماعیل خواجه دن تحصیلنه حکمدن
و مستدعی تمیز اسماعیل خواجه نک اشبو حکم
علیهنده لایحه سننده محرر باشلوجه اعتراضی
مصادمه نک زمان وقوعندن اعتباراً خصمک
قرق سکز ساعت طرفنده پروتستو کشیده سیله
اوتوز برکون طرفنده اقامه دعوی ایتمسی
مقتضی ایکن بومدتلرک کذرانندن صکره کشیده
ایلدیکی پروتستو ایله اقامه ایلدیکی دعوانک
استماع ایلمسی مخالف قانون اولدیغندن بحثله
اعلامک نقضی استدعاسندن و لایحه جوابیه مالی
دخی موافق قانون اولان اعلامک تصدیقی
طلبنندن عبارت بولمشدرد
ایجابی لدى المذاکره اعلام مذکور
مطالعه سنندن اکلاشلدینی اوزره بویکی مصادمات
بحریه نتیجه سننده ترتب ایده جک ضرر و زیان
حقنده اقامه اولنه جق دعاوینک تجارت بحریه
قانوننامه سنک ایکوز سکسان برنجی و ایکوز سکسان
ایکنجی ماده لری موجبجه قرق سکز ساعت
طرفنده پروتستو کشیده سیله اوتوز برکون طرفنده

دعوی اقامه اولمسی لازم کلورکن مدت معینه قانونیه
سی طرفنده پروتستو کشیده و دعوایه قیام اولنماش
اولسندن طولایى دعواى واقع نک عدم استماعی
لازم کلور ایکن بالعکس قبولیله تحت حکمه
النمسی مغایر اصول و قانون اولوب مستدعینک
بالاده محرر اعتراضی دخی بوجهته متدائر اوله رق
موافق نفس الامر کورلدیکنه بناءً اصول محاکمه
حقوقیه قانونک ایکوز اوتوز ایکنجی ماده سی
موجبجه اعلام مذکورک نقضیله قانون مزبورک
ایکوز قرق بشجی ماده سی حکمنه توفیقاً کیفیتک
صورت مشروحه دائره سنده بالرؤیه اعلامه ربطی
ضمننده محکمه مذکوریه اعاده سنه وزیرده
مفرداتی مرقم اوجیوز طقسان سکز بحق
غروش مصارف تمیزیه نک ایلروده حقسنز
چقه جق طرفه رجوع ایتمک اوزره اول امرده
مستدعی تمیز اسماعیل خواجه دن النسنه ۲۶
تشرین اول سنه ۳۱۵ تاریخنده متفقاً قرار
ویرلدی .

ادرنه ولايتى داخلنده اسكچه قصبه سنك
سونه محله سنده مقيم حسين خلوصى افندى اليه
قصبه مذكوره ساكن محكمه شرعيه كاتبي على
رضا افندى پينده محدث دعوايه دائر اسكچه
بدايت محكمه سندن ۲۰ مارت سنه ۳۱۵ تاريخى
ويوز يكرمى يدى عديله ويريلا ن اعلام موسى اليه
حسين خلوصى افندى طرفدن تميز ايدلكله اعلام
مذكور طرفينك اعتراض وجواب لايحه ليله
بالمطالعه تدقيقات تميز به اجرا سته ابتدار قلندى

اعلام مذكورك خلاصه مالى موسى اليه
على رضا افندىك مزبور حسين خلوصى افندى
ذمتده امانت وقرض اولنه رق جمعاً اون درتليك
در يوز قرق اوچ غروش اوتوز پاره اله جنى
اولوب بوكا محسوباً مديون موسى اليهك بش
قلده تسليم ايلديكى بيك بشيوز التى غروش
بعد التزيل متباقى مطلوبى اولان اون ايكييك
طقوز يوز اوتوز يدى غروش اوتوز پارهك
فائض نظاميسيله برابر تحصيلنى طلب ودعوى
ايتسمى واولنان دعوتيه مدعى عليه حسين خلوصى
افندىك اجابت ايلماسى اوزرينه وكيل مسخر
عن الغياب جريان ايدن محاكمه وتدقيقات نتيجه سنده
مبلغ مدعا بهك موسى اليه حسين خلوصى افندىك

عند الاعتراض يميندن نكولنه تعليقاً تحصيلنه
حكمدن ومستدعى تميز موسى اليه حسين خلوصى
افندىك اشبو حكم عليهنده لايحه سنده محرر
اعتراضاتك باشلوجهسى مدعىك كندوسنه
برقسمى امانت وبرقسمى دغى قرض صورتيله
اعطا ايلديكى مبالغك تاريخ توديع واقراضك
بيان وتصريح ايدلسى لازم كلور ايكن بيان
وتصريح ايدلماسى ومدعى مبلغ مذكورى
كندوسنه ويرديكى اثباتدن اظهار عجز ايتسمى
اوزرينه كندوسنك يمينه تعليقاً حكم ايدلك
مقتضى اولدينى حاليه يميندن نكولنه تعليقاً حكم
اولنمى يولمنز ومخالف قانون اولديغندن بحثله
اعلام مذكورك نقضى استدعا سندن ومدعى عليه
على رضا افندىك جواب لايحه سى مؤداسى دغى
سرد اولنان اعتراضاتك واهى وغير وارد اولدينى
بيانيله ردى وموافق اصول وقانون اولان
اعلام مذكورك تصديقي طلبندن عبارت بولنمشدر
ايجابى مذاكره اولندقه اعلام مذكور
مطالعه سندن اكلاشلايدنى اوزره مدعىك مدعى
عليه سندن جهات متعدده دن طلب ايلديكى مبالغ
مياننده امريله ويرديكى ايكييك يديوز يتمش ايكي
غروش ذكر اولنمش ايسده بونك مدعى عليهك
امريله كيمه ويرديكى بيان ايدلماش اولديغندن

مدعىك بوجهتك سؤال ايدلسى لازم كلور كن
مسكوت برافلسى ومدعى عليهك مبالغ مذكوره به
محسوباً بش قلده تسليم ايلديكى بيك بشيوز التى
غروشك هانكى دينه محسوباً ويرديكنك
استيضاح ايدلماسى مخالف قانون اولديغندن
اصول محاكمه حقوقيه قانونك ايكيوز قرق
برنجى ماده سى موجبجه اعلام مذكورك نقضيله
قانون مذكورك ايكيوز قرق در دنجى ماده سى
حكمه توفيقاً كيفيتك بالرؤيه اعلامه ربطى ضمنده
محكمه مذكوره به اعاده سته وزيرده مفرداتى مرقم
اوچيوز سكران سكر بچق غروش مصارف
تميزيهك ايلروده حق ستر چيحق طرفه رجوع
ايتك اوزره اول امرده مستدعى تميزدن الخمسه
۲۳ تشرين ثانى سنه ۳۱۵ تاريخنده متفقاً قرار
ويرلدى .

اعلان

عطوفتو راغب بك افندى حضرتلرينك
وكيل حسن فهمى افندىك غلطه ده قله قپوسنده

بركت زاده محله سنده جامع شريف زقاغنده اون
اوچ نومرولى اپارتمانده ساكن يونان دولتى
تبعه سندن ايليا ميخالوبلونك تجارت اجرا
دائرة سندن مزايده به چيقاريلان وبيع بالوفاء
طريقيله مؤكل مشار اليه مرهون اولوب نتيجه
مزايده ده يوز سكران بيك غروش بدل ايله مشار اليهك
عهده سنده قالان مذكور اپارتمانك نصف حصه سى
اوزرينه مرقوم ايليانك مشار اليه اولان ديتك
فضله سته شامل اولق اوزره غلطه ده قله قپوسنده
كوچك خندك زقاغنده اوتوز التى نومرولى
اپارتمانده مقيم قوميسونجى نيقولاكى انسطاسيو
كريدقوس طرفندن حجز وضع ايدلمش ايسده
محجوز بهك مؤكلى مشار اليهك مطلوبانه كفايت
ايتديكندن مرقوم نيقولاكى انسطاسيونك جليله
حجز موضوعك فكى حقتده بك اوغلى بدايت
محكمه سى ايكنجى حقوق دائرة سنده اقامه ايلديكى
دعوى اوزرينه اولبايدهكى دعوتنامه اصولى
دائرة سندن اعلان صورتيله تبليغ اولدينى حالده
مدعى عليه مرقومك اجابت ايتماسى جهتيه غيابه
جريان ايدن محاكمه نتيجه سنده حجز مذكورك
فكى حكمى حاوى ۲۶ كانون ثانى سنه ۳۱۵ تاريخ
و ۲۹۰ نومرو سيله غيابه صادر اولان اعلامك
برقطعه صورت مصدق سى خدمه سى معرفتيله

محکوم علیہک مار الذکر اقامتگاهنه کوندرلدیکی
حالده مرقومک بوندن اقدام طشره به کیتدیکی
ونه طرفه عزیمت ایلدیکی مجهول بولندیفی محلهسی
مختاری طرفندن تبلیغ علم و خبری زیرینه شرح
ایله تختیم قلمش اولدیغندن اصول محاکمه حقوقیه
قانوننک یوز قرق طقوزنجی مادهسی موجبیه
مذکور اعلامک برقطمه صورتی مختار مرقومه
اعطا و تسلیم و دیگر صورتی دخی ماده مذکوره
حکمنه توفیقاً محکمه دیوانخانه سنه تعلیق ایدلمش
اولدینی معلوم اولوق اوزره اعلان کیفیته ابصار
قلندی .

۳ ذی الحجه سنه ۳۱۷

۲۱ مارت سنه ۳۱۶

۱۶ ذی الحجه سنه ۳۱۷

۳ نیشان سنه ۳۱۵

تبعه دولت علیه دن متوفی توتونجی خیره بت
اغانک ورنهسی و خدومی دقرانوحی و همشیرهسی
زارح قادینک تبعه دولت علیه دن و توتونجی
اصنافندن اولوب مقدم بکقوزده ساکن ایکن
الیوم اقامتگاهی مجهول بولندیفی خبر ویریلان
مدروس علیهنه درسعادت ایکنجی تجارت

ایامینوندا زخاروفک محمد نوری و برادری
احمد جمال افندیلر ایله همشیره لری کیره خانم
ذمتلرنده با اعلام محکوم به الهجفی اولان معلوم
المقدار مبالغت تأمین استیفاسی ضمنتده مدیون
مومی الیها و مدیونه مزبورده نک متصرف اولدقلمری
بک اوغلنده قله دینده یازنجی زقاغنده یتیمش

طقوز نومرولی دکان مع اوطنه نک داننک طلب
واستدعاسی اوزرینه بک اوغلی بدایت محکمهسی
ریاست اولیسی جانبندن اعطا بیوریلان قراره
توفیقاً تحت حجزه النمش اولغله تاریخ اعلانندن
اعتباراً اون بش کون صکره سالف الذکر دکان
مع اوطنه نک بالمزایده فروخته تشبث اولهجنی
بک اوغلی بدایت محکمهسی اجر اأموریتی جانبندن
اعلان اولنور .

۲۱ مارت سنه ۳۱۶

مالیه خزینه جلیله سنک متوفی طوسون پاشا
ذمتنده الهجفی اولان مبالغت تأمین استیفاسیچون
مدیون متوفانک عهده تصرفده اولوب آخره
فروخت اولنان شهزاده باشنده امین نورالدین
محلهسنده بورمه لی مسجد زقاغنده واقع عرصه به
جاری نصف ماصوره ماء لذینک تحت حجزه
النهرق قنوات موجوده سنه تبعاً بالمزایده فروختی
قرارلشدیرلمش اولدیغندن تاریخ اعلانندن اعتباراً
اون بش کون صکره فروخته تشبث اولهجنی
درسعادت اعلان نظامیه اجرا دائره سندن اعلان
اولنور .

۳ نیشان سنه ۳۱۶

کیرقور پاپاسیانک قوهار قادیننه با اعلام
محکوم به دینی اولان معلوم المقدار مبالغت تأمین
استیفاسی ضمنتده مدیون مرقومک غلطه ده
سلطان یازید محلهسنده قلع علی پاشا جاده سنده
کائن ۱۶۱ نومرولی قاریقه ایله ۱۶۳ و ۱۶۵
نومرولی ایکی باب دکانک اعتباری غیر معین
اوله رق ملکنده بر وکدکنده اون درت سهم
حصه لری تحت حجزه النهرق لدی المزایده یدی
بیک بشیوز غروش التون اچه بدل ایله طالبی
عهده سنده تقرر ایتیمش اولغله یوزده بش ضمیمه

بر باب خانه سی تحت حمزه التهرق لدى المزايدة
اون ايكييك التيوز غروش التون اچيه بدل ايله
طالبى عهده سنده تقرر ايتمش بولديغندن تاريخ
اعلاندى اعتباراً اوتوز بر كون ظرفنده يوزده
بش ضميمه طالب اولانلرك بك اوغلى اجرا
مأموريتى جانبنه مراجعت ايتلمى اعلان اولنور .

۵ نيسان سنه ۳۱۶

— ۴ —

حمزه اغا جيجونك واسيليو وماريه ذمتلرنده
محكوم به الهجنى اولان معلوم المقدار مبالغك
تأمين واستيفاسى ضمنده مديونه مزبورلرك
صارى يارده واقع ارنبود بوستانى ذيمكله معروف
برقطعه بوستان كدكنك يوزيكرمى سهم اعتباريله
متصرفه اولدقلى اوتوز سهمك فروختى تحت
قراره التمش اولديغندن تاريخ اعلاندى اعتباراً
اون بش كون صكره سالف الذكر حصه شايه لرك
بالمزايدة فروخته تشبث اولنهجنى بك اوغلى اجرا
مأموريتى جانبندى اعلان اولنور .

۵ نيسان سنه ۳۱۶

مطبعة عامره

متولى محمد اغاك تبعه دولت عليه نك روم
ملتى نسوانندن زويجه قديه ذمتنده اوقاف هايون
مفتشلكندن اعطا اولنان برقطعه اعلام شرعى
موجبجه الهجنى اولان مبالغ معلومه نك تأمين
استيفاسى ايجون مرهون بولنان هكبهلى اطهده
صره سرويلر نام محلهه كائن اون درت نومرو
ايله مرقم عرصه سى شهزاده سلطان محمد وقفنه
مقاطعه مشتملات معلومه يى حاوى بر باب ملك
منزلك اشبو تاريخ اعلاندى اعتباراً اون بش كون
مرورندن صكره فروخته تشبث اولنهجندن
طالب اولانلرك بى سورمك ودها زياده معلومات
المق ايستيانلرك مدت مذكوره ختامندن صكره
اعلامات شرعيه اجرا دائره سنه مراجعت ايتلمى
دائرة مذكوره دن اعلان اولنور .

۳ نيسان سنه ۳۱۶

— ۴ —

فؤاد بك وكيلى شاربم افندي نك مصطفى
ذهنى افندى ذمتنده محكوم به الهجنى اولان
مبالغك تأمين استيفاسى ضمنده مديون موسى اليك
درس عادتده خواجه حمزه محله سنده كمر التى
بقاعنده اون بر نومرولى متصرف بولندينى